

古今詞選

埽葉山房發行

古今詞選卷五目

吳江沈時棟焦音選

金人捧露盤 六首

最高樓 二首

驀山溪 一首

千秋歲引 一首

拂霓裳 二首

洞仙歌 三首

江城梅花引 二首

步月 二首

八六子 二首

玉人歌 一首

剪湘雲 一首

愁春未醒 三首

鵲踏花翻 二首

宣清 一首

意難忘 四首

法曲獻仙音 一首

東風齊着力 二首

塞翁吟 一首

滿江紅 四十七首

古今詞選卷五

吳江沈時棟焦音選

金人捧露盤

庚寅春奉使過京師感懷作

曾覲

記神京繁華地。舊游踪。正御溝春水溶溶。平康巷陌。繡鞍金勒。躍青驄。解衣沾酒醉絃管。柳綠花紅。到如今。餘霜鬢。嗟前事。夢魂中。但寒煙滿目。飛蓬。雕闌玉砌。空餘三十六離宮。塞笳驚起。暮天雁。寂寞東風。

又

高觀國

楚宮闌。金成屋。玉為闌。斷雲夢容易驚殘。驪歌幾疊。至今愁思。怯陽關。清音恨阻。抱哀箏。知為誰彈。年華晚。月華冷。霜華重。鬢華斑。也須念。闌損雕鞍。斜緘小字。錦江三十六鱗寒。此情天濶。正梅信。笛裏關山。

又觀演林

陵春

吳偉業

記當年。曾供奉。舊霓裳。歎茂陵遺事淒涼。酒旗戲鼓。買花簪帽。一春狂。綠

楊池館逢高會。身在他鄉。喜新詞。初填就。無限。斷人腸。為知音仔細思量。偷聲減字。畫堂高燭。弄絲簧。夜深風月。催檀板。顧曲周郎。

又 盧龍  
懷古

尤 侗

出長安。臨絕塞。是盧龍。想榆關血戰英雄。南山射虎。將軍霹靂吼雕弓。大旗落日。鳴笳起。萬馬秋風。問當年。人安在。流水咽。古城空。看雨拋金鎖。苔紅。健兒白髮。閒驅黃雀野田中。參軍岸憤戍樓上。獨數飛鴻。

又 懷舊

吳 綺

憶當時。年猶少。在江南。有英豪鶴蓋鸞駟。紅樓十二。鴛鴦結隊舞春衫。紫騮穩繫花多處。燕姁鶯酣。到今朝。思前事。桃枝黯。柳條毵。景陽宮芳草生慚。雞鳴人散。六朝金粉付雲嵐。東風憔悴蘭成老。枉醉雙柑。

又 燕臺  
懷古

彭 而述

記燕臺。行樂處。滿殘紅。正西山煙雨濛濛。承天門外。繡袍錦帶馬如風。名

姬買醉旗亭北。細吐雕龍。幾何時。成雪鬢。銅駝在棘叢中。烏衣巷無復。江東五侯七貴。西風一葉響梧桐。海青嘹唳。聲起淚灑英雄。

最高樓

醉中有索四時歌為賦

辛棄疾

長安道。投老倦游歸。七十古來稀。藕花雨濕前湖夜。桂枝風澹小山時。怎消除。須殢酒。更吟詩。也莫向竹邊辜負雪。也莫向柳邊辜負月。閑過了。總成癡。種花事業無人問。惜花情緒只天知。笑山中。雲出早。鳥歸遲。

又  
縹緲情巖

沈時棟

憑高眺雲際。結崆峒。身在有無中。衆流隱隱迷葦岸。亂帆點點綴遙空。悵來今。悲往昔。是吳宮。七十個。遠峰盈一掌。八百里。太湖收一網。勞宋玉。唱雄風。錦貂窄袖穿鴻雁。鱗鱗短槳督罷熊。笑煙霞。留不住。黑頭公。

驀山溪  
別意

黃庭堅

鴛鴦翡翠。小小思珍偶。眉黛斂秋波。儘湖南。山明水秀。娉娉娟娟。恰近十三

餘春未透。花枝瘦。正是愁時候。尋芳載酒。肯落他人後。只恐遠歸來。綠成陰。青梅如豆。心期得處。每自不由人。長亭柳。君知否。千里猶回首。

千秋歲引 秋思

王安石

別館寒砧。孤城畫角。一派秋聲入寥廓。東歸燕。從海上去。南來雁。向沙頭落。楚臺風。庾樓月。宛如昨。無奈被些名利縛。無奈被他情擔閣。可惜風流總閒却。當初謾留華表語。而今誤我秦樓約。夢闌時。酒醒後。思量着。

拂霓裳 冬夜觀劇

陳維崧

釀寒天。六街皓月盪成煙。腰鼓鬧騰騰。雨點打來圓。銀燈籠暮靄。鐵撥迸秋泉。映嬋娟。想後堂笑語總羣仙。教坊絕藝。一隊懷智龜年。君不醉。風光辜負十分妍。醉餘偏惹恨。歸去不成眠。忽淒然。悵桐花一樹綠簾前。

又 却扇

沈時棟

俏菱銅。春山迤邐十分慵。剛拈翠。畫眉人晚小。簾櫳魂銷花月地。情重雨

雲峰碧闌東。恰海棠新沐露華濃。幽歡莫憶怕他梨頰先紅。憑櫻素紫

簫雙品鳳樓中。聯吟靈腕捷。鬪茗慧心通。粉香叢羨彩鴛穩護玉芙蓉。

洞仙歌

雨

李元膺

廉纖細雨。帶東風如困。縈斷千絲為誰恨。向楚宮一夢。多少悲涼無處問。愁到而今未盡。分明都是淚。泣柳沾花。長與騷人伴孤悶。記當年得意處。酒力方酣。怯輕寒玉爐香潤。又豈識情懷苦難禁。對點滴簷聲。夜寒燈暈。

又

乞巧同蘧  
菴先生賦

陳維崧

碧雲耿耿。見銀河低瀉。人在針樓曝衣罷。告天孫。臣本屠釣江東。疎拙甚。願以蛛絲巧借。天孫含笑答。見事卿遲。大抵聰明讓聾啞。試看古今來。劉項孫曹。都留做殘編閒話。只賜汝狂騃倍常年。好爛醉高歌。花天月夜。

又

和東坡摩訶  
池夏夜原韻

沈時棟

清池皓月。斂冰綃珠汗。漏吸銅龍夜將滿。指明河。漫道此夜三星常對老。  
誰計夔州理亂。錦城雖足樂。銜璧來歸。夾岸芙蓉泣江漢。解甲愧男兒。  
椒掖陳詩。忍啼痕寸腸千轉。問劍門玉壘近如何。恐帝子神游。滄桑又換。

江城梅花引

蔣捷

白鷗問我泊歸舟。是身留。是心留。心若留時。何事鎖眉頭。風拍小簾燈暈  
舞。對閑影。冷清清。憶舊遊。舊遊舊遊。今在否。花外樓。柳下舟。夢也。夢也。  
夢不到。寒水空流。漠漠黃雲。濕透木棉裘。都道無人愁似我。今夜雪。有梅  
花似我愁。

又閨情

康與之

娟娟霜月冷侵門。怕黃昏。又黃昏。手撚一枝。獨自對芳樽。酒又不禁花又  
惱。漏聲遠。一更更。總斷魂。斷魂斷魂。不堪聞。被半溫。香半熏。睡也睡也。  
睡不穩。誰與溫存。惟有牀前。銀燭照啼痕。一夜為花憔悴損。人瘦也。比梅



花瘦幾分。

步月 本意

陳維崧

小市門東。板橋迤北。暗中瞥見芳姿。明眸膩臉。夜靜漾簾衣。碧柳映幾層衫子。紅蕖露一綉鞋兒。斜靠着江梅一樹。剛到半開時。銅駝街又敞。奈珠屏似水。此恨誰知。弄春纖香橙代解。回秋水羅帕分攜。歸去也。一鈎春月水仙祠。

又 書齋坐月

沈時棟

蟾影多情。荷香無賴。夜深不放人眠。水亭風細。碧柳動如煙。瑤臺畔一輪纔滿。清池裏雙魄爭妍。閒吟却坡公水調。佳句恣留連。清輝長似水。睇遙空萬頃。光影無邊。轉芸窗牙籤低映。臨妝閣玉臂應寒。腸斷也。人逢離索月偏圓。

八六子

秦觀

倚危亭。恨如芳草萋萋。剗盡還生。念柳外青驄別後。水邊紅袂分時。愴然  
暗驚。無端天與娉婷。夜月一簾幽夢。春風十里柔情。怎奈向歡娛漸隨  
流水。素絃聲斷。翠綃香滅。那堪片片飛花弄晚。濛濛殘雨籠晴。正銷凝。黃  
鸝又啼數聲。

又 晚思

劉基

到黃昏。悄無情緒。淒涼又掩重門。盼草際殘陽易盡。雲中征雁難憑。漫勞  
夢魂。淵明三徑猶存。白鶴不歸華表。烏鴉自滿荒村。念過眼芳菲。總埋  
泥土。縱然回首。可堪凝睇傷心。處處蓬蒿度井。時時煙雨啼猿。更何言。蒼  
苔漸深淚痕。

玉人歌

春暮

鄒祗謨

春欲去。看窗外櫻桃。離離滿樹。濕煙生碧。澹蕩飄紅雨。鬧花百舌花無語。  
待喚春陰住。最難揀。千丈游絲。一簾飛絮。暗把韶光數。恨陣陣東風將

春壓暮。長下蝦鬚。留取最深處。蝶爭鬚。葉蜂爭蕊。總被多情誤。趁榆錢買斷送春歸路。

剪湘雲

送友

成德

險韻墮拈。新聲醉倚。儘歷遍情場。懊惱曾記。不道當年腸斷事。還較而今得意。向西風約畧數年華。舊心情。灰矣。正是冷雨秋槐。鬢絲憔悴。又領畧愁中。送客滋味。密約重逢。知甚日。看取青衫和淚。夢天涯。繞偏儘由人。只樽前。迢遞。

愁春未醒

青兒曲

董以寧

千金不惜歌舞教成。似燕離巢後。呢喃猶作畫梁聲。自分年踰絃索笙簫讓後生。今宵何事重聞呼喚。幾度如醒。欲奏清音。花檀乍拍。淚已盈盈。我幸非牙郎買絹。不受伊輕。但覺歌餘蘆花楓葉滿中庭。不知可似白家。

老姬舊日聞名。

青兒者邑先達楊中丞家妓也。今作于家僕婦。嗟哉。憔悴矣。然猶記旗亭舊曲。適文夏右文。艾菴程邛諸子同渠舊。

主人東起過飲因索清歌覺有羞見江東之意其音瑟瑟似聽潯陽江上聲詞以傷之還恐才人老大都如是耳

又元夕後三日飲曹蓋臣宅遇微雪

陳維崧

落燈風定舞絮天成聽沙沙雜雜簷聲滴亂酒牀聲聞說南山小隊輕裘  
競射生吾儕無事且扶老懶共博春醒起望尊前林臯頓皓軒檻將盈  
恰蕭然四垂陰重六出花輕多少征人琵琶風雪醉龍庭問他何似踈狂  
老子詩酒埋名

又美人淚

施用中

鮫珠零落玉線縱橫看酸酸楚楚無端眼角頓相生惜別傷離幽恨難消  
萬斛傾疎疎密密斜斜整整已到愁城妝鏡偷彈枕屏暗墮長是吞聲  
漫幾度盈盈界面簌簌沾膺宛轉嬌啼萬千心事向誰明好將點點偷封  
尺素寄與多情

鵲踏花翻春夜聽客彈琵琶作隋唐平話

陳維崧

雨滴梅梢。雪消蕙葉。入春難得今宵暇。倩他銀甲淒清。鐵檢縱橫。聲聲迸碎鴛鴦瓦。依稀長樂夜。烏啼。分明湓浦鄰船話。腕下。多少孤城戰馬。一時都作哀湍瀉。今日黑闥營空。尉遲杯冷。落葉浮清瀟。百年青史不勝愁。兩行銀燭空如畫。

又

健兒吹笛

十上燉煌。三過代郡。翩翩繡袷黃金勒。曾在僕射營門。塞女如花。偷譜李暮。銀雁笛。長城夜月一輪孤。沙場戰馬千羣黑。今日鬢點霜花。誰識故國何年歸始得。幾遍聞尋舊曲。纔當入破。又犯龜茲急。卻陽城外遇鄉人。一聲紅豆青衫濕。

宣清

春盡日偶效柳屯田體

鄒祗謨

冉冉今何日。剩東風。柳外吹來。簾縫憶。清明倚盡簫聲。怕黃昏。選殘香夢。迷却來時。斷伊歸路。不教輕送。情旖旎。影朦朧。點點落紅心動。燕子啣

將鳩兒喚却。漸博濃陰重。看架外、薔薇恁偏嬌橫。玉人暗中低誦。留得紅

顏。便春歸惜他何用。古詩玉簫倚聲  
譜寶枕選夢圓

意難忘 佳人

周邦彥

衣染鶯黃。愛停歌駐拍。勸酒持觴。低鬟蟬影動。私語口脂香。荷露滴。竹風涼。揀劇飲淋浪。夜漸深。籠燈就月。細與端相。知音見說無雙。解移宮換羽。未怕周郎。長顰知有恨。貪耍不成妝。些個事。惱人腸。待說與何妨。又恐伊尋消問息。減瘦容光。

又

范仲淹

清淚如鉛。歎咸陽送遠。露冷銅仙。巖花紛墮雪。津柳暗生煙。寒食後。暮江邊。草色更芊芊。四十年。留春意緒。不似今年。山陰欲掉歸船。暫停杯雨外。舞劍燈前。重逢應未卜。此別轉堪憐。憑急管。倩繁絃。思苦調難傳。望故鄉。都將往事。付與啼鵑。

又

朱藝尊

金犢香車。問禿襟小袖。上苑誰家。粉勻全露頸。雲膩細飄花。柳陰重。石橋斜。春水浸芹芽。想薄寒。曾傾醕酪。臉暈朝霞。高城容易天涯。有攏榆羶帳。自在藏他。錦韉馱叱撥。紅燭理琵琶。須記取。畫蟬紗。展掛玉鴉。更教添一羣蕃馬。細草平沙。

又賦得千樹桃花萬年藥不知何事憶人聞

沈時棟

豈戀紅塵。怪重尋舊夢。遽負仙真。玄霜空見搗。丹樹枉長春。穿故屐。漫通秦。猿鶴悔殷勤。忍覩伊紫芝。婀娜綠蕙氤氳。曩時幸締仙嬪。誓芸香永伴。寶瑟常新。雲鬟搖黛影。月珮照湘紉。今何世。此逡巡。陡別太無因。又那知雞豚社裏。老却曾孫。

法曲獻僊音聽琵琶有懷昔游

張炎

雲隱山暉。樹分溪影。未放妝臺簾捲。篝容籠香。鏡圓窺粉。花深自然寒淺。

正人在銀屏底。琵琶半遮面。語聲軟。且休彈玉關愁怨。怕喚起西湖那  
時春感。楊柳古灣頭。記小鄰隔水曾見。聽到無聲。漫贏得情緒難剪。把一  
襟心事。散入落梅千點。

東風齊着力

花朝

陳維崧

春困初濃。春愁難妥。又是花朝。蝦鬚半捲。蛾綠不曾描。記得去年玉勒相  
逢在。絲雨長橋。秋千社。繡旗不定。畫鼓頻敲。流水碧迢迢。人不見。妝成  
知為誰嬌。穠香病酒。雙臉印紅潮。欲借鴛鴦機論恨。回文字。帶淚重挑。腸斷  
也。百花生日。只是無聊。

又

願在竹而為扇  
疊華胥詞原韻

沈時棟

疊絮風柔。釀梅雨細。偏弄陰晴。翠綉絳淺。惱殺隔牆鶯。皓腕偷裁。月魄齊  
紈軟。鬪巧爭贏。纖纖手。傍花欲撲。蝶夢難成。香汗玉肌盈。眠未足。海棠  
凝露含情。英皇粉淚。常恐俏魂驚。莫遣恩情易斷。炎光謝。倏報秋聲。能憐



舊朱明再握。不算恩輕。

塞翁吟

和清真韻

王士禎

記得相逢處。倭墮玉髻瓏璁。人靜悄。畫堂東。清暑試輕容。龍鬢初展水綃薄。雲母曲曲浮空。側枕卧。芭蕉初碧。躑躅新紅。匆匆自回首。柔奴別後。

思往事。都如夢中。借錦水桃花箋。色合鮫淚。和入隄塵。小字重封。姊歸解

恨。似為離人。訴盡東風。

唐詩寶髻玉瓏璁箋紙桃花色

又峽雨試輕容隄塵墨名

姊歸即子歸也

又浣花

滿江紅

辛棄疾

敲碎離愁。紗窗外。風搖翠竹。人去後。吹簫聲斷。倚樓人獨。滿眼不堪三月暮。舉頭已覺千山綠。但試把。一紙寄來書。從頭讀。相思字。空盈幅。相思意。何時足。滴羅襟。點點淚珠盈掬。芳草不迷行客路。垂楊只礙離人目。最苦是。立盡月黃昏。闌干曲。

又

江行簡楊濟翁周顛先